

月文統宗




漢書門			
一	六	七	類
六	七	三	號
七	三	六	架
一	六	七	册

二	八	四	一	一
八	八	一	三	一
四	八	一	三	一
一	八	一	三	一
一	八	一	三	一

雜史

內閣文庫		
番號	漢	8867
冊數	16	( 1 )
函號	284	91

284-91





明政統宗叙

淺草文庫

和書



古者天子諸侯必有史官以  
記言行故史佚居三公之次  
傳聞強記備天子之遺忘若  
齊之太史晉之董狐史蘇史

史記卷一百一十五

黠皆有聲于史者。惟魯之春秋一經。素王筆削。乃稱白眉。焉既有左氏之傳。義例僅足羽翼麟經。公穀無論矣。至語其體。則有三焉。曰編年。曰紀

傳。曰實錄。其紀事之所因者。凡四。曰起居注。曰時政記。曰日曆。曰臣僚事狀。他若三長五難。與夫三等四患之談。紛紛聚訟。史豈易言乎哉。漢有

司馬遷繼父談為太史作史  
記而貽蘇子由之譏班固父  
彪嘗續史記作前漢書而來  
范曄鄭樵之謂瑕瑜難掩于  
一時求其寓目而當心者惟

朱紫陽之綱目旨法春秋意  
取左氏實于國家之興廢年  
代之絕續人君之賢否臣工  
之忠佞僭國之竊據華夷之  
名分抑揚予奪華衮鈇鉞顯

微闡幽是誠另闢一新宇宙  
大觀哉夫男子髯：六尺屈  
眄晦而抱膝長吟纒：自謂  
規天畫地彛鼎竒勲已有成  
箕矣胡當繁劇輒俯首縮項

噤口橋舌者何哉蓋以學瘠  
聞稀愛憎關於時諱臧否碍  
于世家是以可否謬于月旦  
去取忌乎風聞兼以紀傳表  
書襍出于傳誌之內罔可綜

駭而龐詞贅義難以取裁擅  
恣胸臆妄肆譏評信劉知幾  
一羊九牧之憤不容已也竊  
慨自古帝皇臨御天下中國  
居內以制夷狄未聞夷狄入

主中國者自宋祚傾移元以  
夷狄入主中國冠履倒置蓋  
自開子以來未有之變古云  
胡虜無百年之運驗之今日  
信如著蔡荷

天眷祐挺生

太祖高皇帝以布衣崛起于滁  
濠之間提劍奮旅手克至正  
乙未之年一時謀臣良將識  
聖主之有真納心委命應之如

嚮奮六師而江漢奠安揚九  
伐而荆蠻底定旋收淮甸遂  
略中原齊魯十二之山河兼  
旬俱下幽薊百年之腥穢一  
旦廓清革毡毳而復衣冠



業惟艱猗與盛矣。洪武之來，爰有建文諸藩，颺革除寧議，一時中外臣工識闇涇渭，說銓四寸無裨。

廟謨即載筆詞，臣間有撰記。然亦私度篋笥，未敢懸之市門者。揆厥所由，惕于時諱，難于言也。恭惟

成祖文皇帝治惟善述，幾炳國華。再闢幽燕，益敷文教。

仁宗昭皇帝

宣宗章皇帝繼體元良垂熙衍

慶再傳

英宗睿皇帝履泰之極因有已

已之變仰荷

景皇帝監國天心攸順智勇同

猷已而

英宗復辟天下晏然嗣以

孝宗敬皇帝

武宗毅皇帝三統之治禮樂可

明史紀事本末  
世宗  
興正德之間奸孽溷政逮  
世宗肅皇帝入繼大統天啓聖  
明之資時值述作之盛光前  
裕後倫制燦然而

穆宗莊皇帝紹聖致治恭己無

為肆今

皇上聲教四訖文軌一家二百  
餘年深仁闡澤兆民賴之擊  
壤康衢于今再見大都自古  
文人演著皆鬱結發憤之所

為今古人寧甚相遠哉我  
明自通鑑續編大成之後僅于  
東莞陳建通紀稱晨星然竟  
以蕪穢見黜嗣有京山鴻猷  
毘陵憲章攜李之吾學吉州

之大政瑯琊之史料諸集均  
為世所拱璧間有好事者不  
無玉石俱焚薰蕕同器闕闕  
駟駘穀門銜賈而軒輊之者  
如直道何締閱斯集編年叙

明政紀序  
事悉皆網羅金匱石室之儲  
以至百司掌故馥語稗記卷  
談墊述諸所臚列于汗青者  
要皆捃撫其根胎截咀其菁  
華而成者也茲蓋不離眉睫

則所謂贊萬幾分庶務杼丹  
赤定國是為時鑒賞然余之  
所以許可者特于附卷簡末  
所論尊崇

二祖辨論有曰自古未有父子

明政統宗  
稱祖之一言又于

建文

少帝革除遜位有曰孫蒙祖號  
死作生年之二語初閱之則  
擬其為小心之談既繹之實

為放膽之論要言不煩足贊  
萬年之畫洛陽價踊蓋不俟  
昆命元龜而可卜哉昔楊子  
雲作大玄桓山君深慕好之  
茲編信傳不啻桓山君矣嗟

嗟吠月吠雪吳蜀所限安可  
辜于牛虻知我罪我是在立  
言者自信之何如耳然余非  
佞舌阿私好也以譚生濂于  
余乃有桑梓之雅于生夙堅

硯席之盟抑亦以余素樂道  
人之善誼不能讓爰命墨卿  
以償其慇懃之請云

昔

萬曆乙卯中秋吉日

賜進士第資政大夫南京吏部

尚書蜀達衛承芳撰

明政統宗叙

豫章涂生為明政統宗成  
介其友傅生屬余序朱此  
之韓昌黎之作史者不有人  
禍必有天刑柳三州歷引古



人以折其死然有昌黎言自  
有見夫史執然備隙詆誣賢  
哲穢扶幽隱入以難忍之已  
即之無論人我天刑何如之心  
固已死矣此其失在近代之

為國史者少而為野史者多  
國史紀一人身實有忌憚野  
史則可憑恐冒眩矣其失  
在稽紳者少而在常布者  
多縉紳少見統廣厯練差

深希布所因陋就寡自用  
 自專弊所不免殊生是系抑  
 何其膠之乎傅生曰生此為紀  
 史也本朝無史惟有  
 列聖實錄與史不同禮須備

國史中道多輟

天子命之宰執主之一時文  
 學侍從之臣分曹載筆書  
 損取年功結錄生則何能言  
 史生見之世有為通記者為

書學編者為憲章錄者為大  
故紀者為昭代典冊者人自  
董狐家自司馬意制如相說  
算遠折衷而富以編年之法  
會通哀序及備史者便於討  
於云耳其義詳在凡例字  
字有天刑人禍之戒是紀褒  
刺述乃不作抑口痛焉余取  
觀之與傳生商略如建文事  
屬有

明正統宗 卷之七  
詔備復而仍以革除稱如隆  
菱事暗記未悉乃後先時或  
倒置稍為指摘兩生皆復加  
筆削餘不遑盡校也至于兵農  
錢穀士馬豈耗之取司徒司空

太僕會計盈縮之額水利也  
田河渠海運北虜島夷大害  
河套交趾諸蕃西域要工且之  
宜皆以之大者復鉤撫傳乘割  
記奏議於策別為一編故總而



命之曰明政統宗善乎張氏  
部之叙曰朱紫陽論左傳許  
其詳予予不共其理蘇子由  
春秋集解從赴告而不以  
報之揣摩生即予論事無此

揣摩其書信當與鄭薛雷  
黃諸家並了也豎儒自括帖外  
鮮所涉穢生白首青衿寒膚  
嚙腹乃能考屬朝之典收究四  
方之利病旁蒐遠覽摘鉛次

明政錄宗 錄

槩可以副金匱之采佐石画之  
壽彼及名著作日飽肉食者  
能无意耶余舊充位史局  
一行任吏此事都廢人之有  
故若已有之將借生解嘲  
矣

大泌山人李維禎本寧文



明政錄宗

二十

明政統宗序

明無史非無史也夫人而能為  
史也夫人能為史何以無史矣  
州氏言之矣國史之人恣野史  
之人臆家史之人史者可以

蓋小人恣者不免誣君子臆者  
可以亂一時耳目之實恣者不  
免殺萬世斧袞之公吾嘗讀國  
史之行世者於吾學見體裁矣  
而不敢望蘭臺之衣冠也於憲

章通紀典則諸書見編摩矣而  
不能方涑水之內好也安所稱  
禘孔氏而祖春秋孔子時有不  
修春秋云蓋魯史也春秋得孔  
子而後筆削嚴孔子據春秋而



後事辭備春秋者魯史也進史  
而經者猶之乎進春秋為天子  
之事尊孔子而失之者也為孔  
子難為春秋易故謂盡信書則  
不如無書者此讀史法也謂與  
其過而廢之無寧過而存之者  
則今日作史法也此其說莫辨  
於子貢賢識大不賢識小文武  
無常道孔子無常師不賢吾師  
之而况識其大者

聖祖

神孫之謨訓功烈乎易之大畜  
象曰天在山中君子以多識前  
言往行以畜其德前言往行猶  
識而况今用之典章文物乎容

有刻明政統宗者其發凡定例  
不必盡合於實錄其褒貶進退  
不必盡不謬于聖人雖然紫陽  
之論在氏許其事之詳而不與  
其理子由之集解從赴告而不

與揣摩揣摩者意也以意則公  
穀不能與左氏並駕以事則立  
明得附孔子聲施惜也我

明僅僅一弇州身負異才家世  
閼閼替於事矣忽三為文人以

老近始行其史料佐討論耳

國家昌明久道一再加意正史  
不報天祿石渠間必有起而肩  
其事者潤色皇猷與天罔極屬  
之誰氏之子所未可知謀於野

則獲此編其是也夫請予序者  
臨川傅三來雲杜李太史之塾  
賓天之有意於國史也文不在  
茲乎三來其請太史公藏書之  
副質統宗而糾擿之是正之屬

草以竦客為誰南昌涂氏山也  
萬曆乙卯長至日

蘭陵張師繹撰



明政統宗叙

蓋聞字中有六權。二人主之權。黜陟乎  
天下。史職之權。是非乎天下。狀黜陟。僅  
及于一世。而是非則及于萬世。然則史  
且有助於人主之不逮。厥任艱哉。第史

有辭有義辭猶繪形肖貌凡珥筆者類  
能之至義則嚴一字于彰善癉惡之間  
筆之曲直則信史穢史名所攸分矣曾  
南豐曰所稱良史者明足以周萬事之  
理道足以適天下之用智足以通難知

之意義足以發難顯之情任其庶幾  
東萊子云見辱于市人越宿而已忘見  
辱于君子萬世而不泯信史為天子之  
刑書聖人不敢專而曰我有罪乎者以  
匹夫而權天子也乃今家操斧鉞人擅

明政紀宗  
雌黃竊國靈者四出矣。臯將先辭大都  
史之為職貴公而明直而斷實而審總  
之奉無私而歸諸天。若孫盛作晉春秋  
質以大司馬之威而不愛。吳兢撰唐史  
勒以宰相之私而不毀。褚遂良之是非

必紀魏謩之善惡必錄。雖以天子臨之  
而不失其職。是謂得之。至論寓目而當  
心者。惟朱紫陽繼麟經之後。綱倣春秋  
目擬左氏。綱目名編。寔史學之指南。而  
金履祥之通鑑前編。得朱子之意者也。

我  
明之續綱目又師朱子之遺意者也夫  
國是百年而後定胡今之立言者一豹  
未窺三豕肆辯傳聲于燕說郢書者每  
溷于風聞之或誤哆口于井哇市席者

尤苦于月旦之靡真稱述隘于章奏替  
頌盈于實錄勢惕忌諱語多文飾愛憎  
難一其心毀譽難一其口辨言亂真強  
辭奪理成童挾策白首操戈且註釋如  
閩剗刷成林家街市鬻聚訟築舍姑亡



日政紀序  
序  
三十  
論短見謏識不能窺聖人勸懲之深意  
即史氏所稱剗精剗采者亦冥狀莫得  
其萬一繁瑣靡爾尚可謂國有信史史  
有人哉吾宗子壽年垂舞勺孝友四聞  
英姿雅抱詘于一第咳唾散落皆為流

珠結綠為世珍異久矣迺今斯集駁以  
為經辯以為緯抽金匱石室之秘披鄴  
架酉室之藏肆力編摩殫精討索稿凡  
四易而書始成諸所寄嘒間附論評義  
寓箴規體兼獻納事關

廟禁即幽隱而兼收無與彝常即縛采  
而並刻所謂衡泌之墨兵過軸之楮獄  
山林之彝鼎非耶書成間有嘲之者曰  
閨中處子而願結念于姑章衣食之不  
足得無計之過也盡俟為婦乎彼且笑

而謝曰極知過計狀不可非忠于姑  
也余婦而逐者也安得爰易初念而生  
別腸哉其自信若此則其遠識玄心自  
足千古而凡離憂送窮鱣魚鵬魚之態  
牢騷沈痼之辭都不入其腑臟夷狀不

用于世而世不可泯其言矣世購得之  
者不啻得寶于波斯紙價踊貴不占有  
乎孰謂身既隱矣烏用文之為子壽詎  
乎昔齊公仲氏惧女醜而無歸日譽女  
之美且許以千金之裝人曰女姣而復

以厚裝必醜卒不聘申屠氏女美惧王  
之入于宮也乃毀為惡亦卒不聘夫醜  
不以譽掩而美終不毀蔽如此信乎明  
妃窮廬宿亩金屋芝菌形均鼠璞聲并  
溜渾孰辨玉石誰分美惡是非世有之

衡余安得曲舌作竊嚙語妮子壽之敬  
帚而享千金

皆

萬曆乙卯歲季夏朔日往下史涂喬遷

撰

凡例

一論史之為職要秉天下之公心以裁為  
之公典言有盡而意無窮者是謂名言故  
語貴會蓄方堪咀嚼古人為善立言者貴  
先有不朽者以植其根果爾信不必待詔  
金馬細天祿石渠之書始稱快矣  
一亦史職而談史犯也自起居注廢而國是  
淆矣是以論史貴公而詳故無所考者不

得書有所諱者不敢書。嬖于好者不可書。家乘是而疑譽者不敢擿也。野史非而疑毀者弗敢庇也。其齟齬而兩有證者又當兩存之。以俟當事者之蒐採也。

一集叙載人物之賢否。言之減否。要皆攷據群籍。直書不敢虛美。隱惡以重穢史之咎。孔子曰。誰毀誰譽。三代之所以直道而行也。

一集編年序事。悉倣續編之例。固矣。然例有追言其始者。有述言其終者。有功十而過一者。有利一以害十者。有本傳略他傳詳者。今皆參互隱括。一歸于是。蓋以傳信闕疑。本史之職。干繫匪輕。若徒信耳信手。信口信胸臆。則卮言無當。耳目盡成荆棘矣。一集自黻扆以至貂璫。巨細媿靡不備載。至若宮幕之顰笑。輦掖之滑稽。悉芟薙之。

一紀事紀言即修殘理勢不自附會至其文  
之蕪陋字之粗鄙每為改竄以訂其銀根  
之譌魯魚之訛蓋以史以傳信不妨潤色  
前人代匠斲也

一集中所錄間屬小傳劄記題辭及節採奏  
疏論策凡有裨于國家者率皆收錄以備  
鴻裁

一史為天子之刑書聖人且不敢專而曰我  
有罪乎彼家操斧鉞人擅雌黃則是裨  
之刺客將憐于白簡之鑊鉞不將謂室中  
之戈為門外之敵乎甚至升天按地上下  
其手如霜噴霧寒暄其口得無以筆端殺  
人乎

一史閔世運汚隆人才升降往績具備如兵  
農錢穀九邊士馬登耗之數太倉水衡罔  
寺會計盈縮之額與夫水利屯田河渠海

運無不講求利病刻于卷末一覽無遺  
一附卷惟邊防窳亟次島夷次太寧次河套  
交趾者蓋以太寧河套皆我故壤而交趾  
入中國尤在八閩之先寔我中國也殆不  
可以外夷視之至若北虜西番西域者實  
以中國居內四夷居外內順治而外威嚴  
也

一災異本集未載蓋以諸籍記錄互有支干

差謬之異未便收錄俟考

詳明補刻別

集觀者諒之

一輯是編受梨棗矣或問余曰史為天子之  
刑書榮辱百代自非德望祿位聲勢難其  
任若固蓬戶么膺細人安得越俎吟嚙說  
竒道古于殿閣上余應之曰昔司馬子長  
嘗言古聖賢之所演著皆鬱結發憤之所  
為如昌言潛夫等論賈太傅之疏陸內相

之議宋端明之策及劉子殺青其在伏觀  
高皇帝興言路稱至廣矣其曰凡事有闕  
社不公不法者許諸人直言無隱又曰不  
許諸生妄言時事及讀卧碑則曰許諸生  
敷陳王道講論治體述作文辭是其宵旰  
求言不一而足乃知允建議田心經緯者  
亦為堯採所亟收也昔班固作漢書坐事  
沒未就和帝詔固女弟曹壽妻昭踵成之

孫盛作晉春秋直書時事雖桓溫之權不  
悚焉李燾初繼司馬光作宋百官表編求  
正史實錄旁及家乘野史凡九十卷上于  
高宗詔給筆札錄付史館既而燾復倣通  
鑑例散釵前書為續長編自上于朝三氏  
之作皆當國家中葉當時朝廷俱樂觀其  
成未嘗以為嫌也余奉先人之手澤昕夕  
兢以不得藉手是忝頃幸卒業亦惟繼



志以畢其分耳。書監成憲詩率舊章。文惟傳舊意。篤闕疑。間附評隲。務協輿論。寔未敢妄肆月旦。以避罪我之誚。而莫逐臭者之知我嗟。魏收願直東觀。鄭樵求入秘書。扶肩抽膝。山絕望矣。倘能開局召辟。如司馬君實之于范祖禹。歐陽修斯可矣。

豫章涂山謹識

姓氏

臨川傅兆祥

三來父

校訂

明

豫章草莽

涂山

編輯

同邑劉口淑

秉允元

參閱

新建余樞

周之冕

蜀達衛思箴

長陵冉祖雍

休寧吳繼仕

青齊趙祐

莆田鄒道元

應天饒有光

校正

長陵譚

淳瀟

江陵馬睿圖

黃梅瞿九思

姑孰王

焯

太原王稗登

嘉興屠來王

進賢陶明通

綉谷王應登

重訂

安仁朱孔陽

豐城涂夢虬

奉新宋應星

南城吳紹賢

宗第

世葉  
養心

紹燿

一鳳  
一驥

謹次

明政統宗目錄

太祖高皇帝肇基之績

壬辰元至正起兵至丁未吳元年卷之一

戊申洪武元年至庚戌三年卷之二

辛亥洪武四年至巳未十二年卷之三

庚申洪武十三年至戊辰二十一年卷之四

巳巳洪武二十二年至丁丑三十年卷之五

戊寅洪武三十一年至壬午三十五年卷之

六

附 建文遜位革除

成祖文皇帝靖難之勛

癸未末樂元年至巳丑七年卷之七

庚寅末樂八年至癸卯二十一年卷之八

甲辰末樂二十二年至

仁宗昭皇帝乙巳洪熙御極一年及宣德三年卷

之九

宣宗章皇帝承統之烈

巳酉宣德四年至乙卯十年卷之十

英宗睿皇帝居夷之貞

丙辰正統元年至巳巳十四年卷之十一

景皇帝監國之繇

庚午景泰元年至丙子七年卷之十二

英宗睿皇帝復辟之誼

丁丑天順元年至甲申八年卷之十三

憲宗純皇帝承休之懿

乙酉成化元年至乙未十一年卷之十四

丙申成化十二年至丁未二十三年卷之十

五

孝宗敬皇帝紹天之休

戊申弘治元年 至 甲寅七年 卷之十六

乙卯弘治八年 至 己未十二年 卷之十七

庚申弘治十三年 至 乙丑十八年 卷之十八

毅皇帝廟筭之靈

寅正德元年 至 壬申七年 卷之十九

酉正德八年 至 辛巳十六年 卷之二十

帝繼統之盛

壬午嘉靖元年 至 甲申三年 卷之二十一

乙酉嘉靖四年 至 戊子七年 卷之二十二

乙丑嘉靖八年 至 甲午十三年 卷之二十三

乙未嘉靖十四年 至 庚子十九年 卷之二十四

四

辛丑嘉靖二十年 至 丁未二十六年 卷之二十五

十五

戊申嘉靖二十七年 至 丙辰三十五年 卷之二十六

二十六

丁巳嘉靖三十六年至辛酉四十年卷之二

十七

壬戌嘉靖四十一年至丙寅四十五年卷之

二十八

穆宗莊皇帝延祚之謨

丁卯隆慶元年至巳巳三年卷之二十九

庚午隆慶四年至壬申六年卷之三十

今皇帝萬曆疑禧無疆之慶

左質

聖製目錄

太祖高皇帝

皇明祖訓

日持守曰謹出入曰奉祭祀曰恤國政曰禮儀法內令內官諸條所載皆聖子神孫之良謀

大誥三篇

首之以君臣同遊之盛繼之以申明五常之諭凡正婚納立鄉飲訓一不具所以誥諭臣民者至矣

資世通訓

首言君道所當為者十八事次言臣道所不當為者十七事凡斥僧道戒愚癡勸士農訓工商防民勸善之道無一不具所以訓戒天下者深矣

精誠錄

念人道之大在於敬天忠君與孝親作以自警

稽制錄

言功臣之過在於特恩  
踰禮與犯分作以諭臣

存心錄

凡歷代帝王祭祀而有  
感於灾祥者錄無不載

省躬錄

凡漢唐宋以來灾祥之  
應於臣下者錄無不具

洪武正韻

雅音取於中原註釋依於毛晃東  
冬清青之二韻併而為一虞模麻

遮之一韻折而為二所  
以昭考文同文之化

元史纂脩

訂其曆則九十三年論其世則十  
有三主分紀傳以著其善惡列表

志以見其事實其筆  
削之謹嚴也如此

大明日曆

一序則宋濂所撰其目有六曰功  
高萬古得國之正獨稟全智敬天

勤民家法之嚴兵政有統  
要之不外乎一誠而已

大明集禮

其旨則斷自宸衷古禮十有四嘉  
禮五賓禮二軍禮三凶禮二要之

不外乎一  
敬而已

一統曆

聖祖欽天之道在是春官夏官秋官  
冬官四時咸備其員行幸宴賞每日

各書  
其事

儲君昭鑒錄

聖祖睦親之仁在是編賜于工  
府而以資日益進讀于官察而

以昭  
鑒戒

皇明寶訓

編摩二史館考二十年詔諭于疏  
琰四十類信典謨可傳永永者

賢奸傳

如蕭曹房杜呂富韓范必指事以著  
其賢如公孫王莽盧杞欽若必據迹

以發其奸真  
嚴于斧鉞矣

昭監錄

以宗室之賢否為善惡之勸懲

孝慈錄

以三年之喪制在父母不當異議

世臣總錄

慮中外臣工不知善可為法惡可為戒而為之

政要錄

思文武官屬簿書有定式餼廩有輕重不可紊也

觀心亭記

探義理之本原

無逸圖論

得聖賢之心法

春光記

詩諄于及時勉學之訓

皇陵碑

懇懇乎創業守成之艱

醉學士歌

明良歡會追繼虞廷之風

遊新庵記

彞倫欣叙燮理陰陽之言

鶯轉賦

讀流金飲露之辭則知其麗而則矣

四瀆賦

讀汗漫汪洋之句則知其偉而奇矣

御註洪範

謂贊善劉三吾曰朕觀洪範一篇帝王所以叙彞倫立皇極本于天

道而驗于人事箕子為武王陳之武王猶自謙曰五帝之道我未能焉朕每惕然遂釋其

旨為註三五對曰陛下留心是書上明天道下福生民為萬世開太平也

禮儀定式

命禮部尚書李原名等所著始之以朝參筵宴之儀終之以鞞轡弓

矢之制若朝參之類本乎常經拜禮之類合乎人情者也

大明令

大而紀綱倫理之重小而器用輿服之差凡律令張弛無不具載聖製所謂

令以教之於前者是矣

### 大明律

揭名例以六曹為綱列職掌以諸司律以齊之於後者是矣

### 皇明政要

首以尊德性次以道問學而凡端好尚戒嗜欲畏天戒悲人窮遵成憲重儲貳立孝敬溥仁恩此其大本大綱矣至於辨奸邪慎銓選嚴考課興學校育人材厚風教恤刑獄節財用卻貢獻脩武備固封守禦變夷無不詳備其卷二十其目四十有也

### 諸司職掌

大要做乎周禮革丞相以防專恣建六部以分事權農桑有定賦而繼以荒政上供有定額而裁以經費羣祀革不經之號五禮弘復古之規府部有相維之

勢將士有世業之家律有畫一之法刑有審之詳工役有一定之員鹽津無加稅之擾立都察院以執法置通政司以納言設大寺以評獄簡明詳盡以立一王之法其與周官不同者特司徒之職併於禮部司空之職分為戶部耳

### 成祖文皇帝

### 聖學心法

君道之大曰敬天法祖用人理財臣道之大曰忠勤廉謹父道之大如周公之教伯禽子道之大如文王之

### 孝順事實

紀孝順者二百七人蔡順乎天止火姜詩近舍湧泉孝足以動天地者也丘傑感其母之神杜羔感其父之靈孝足以感鬼神者也以至虞舜之負罪引慝文王之問寢視膳武王之繼述漢文之嘗藥帝王之孝可攷也曾參之養志不違仲由之盡



力盡思考叔遺羨而君悟子春傷足而色憂賢哲之孝可攷也狄仁傑之望雲思親崔克暉之甘露降庭張九齡居喪召祥岳飛居喪致哀將相之孝可攷也黃香温被扇枕李密終養辭召處人倫之常者也伯奇清朝履霜閔損單衣蘆絮處人倫之變者也

為善陰騭

紀為善者百六十五人朱軾納青苗之錢而獲爵吳王恤貧乏之民而顯后富弼徙青州而出粟賑饑蘇軾守杭州而立法救荒此郡守之善者卓茂勞心愛人而吏不忍欺魯恭專尚德禮而稚子推仁曹褒逆府命而不殺盜賊韓韶不待報而發粟賑饑此守令之善者他如鄧禹持旌節而拯生民之塗炭曹彬代西蜀而戒諸將之屠城將相之善有可言也叔敖埋蛇憂後宋郊編竹渡蟻上庶之善有可徵也

五經四書大全

命儒臣胡廣等集諸家傳註凡有發明經義者取之博經

義者去之

性理大全

類編為帙

命儒臣輯先儒成書及其議論格言輔翼五經四書有裨於斯道者

文華寶鑑

者至矣

取聖祖儲君昭鑒錄稍克廣之復益以聖祖之謨訓所以教太子

宣宗章皇帝

帝訓

自君德以至藥餌無所不載

官箴

自督府以至儒學無所不備

五倫全書

君道始於聖德終於教育臣道始於輔德終於恬退父道始於周公

教伯禽終於任氏教於任教皇甫謐子道始  
 於尹伯奇見逐後母終於劉氏二女不辱於  
 亂兵至於夫道始於冀缺之相敬終於鄭叔  
 通之娶啞妻道始於共姜守節終於袁氏自  
 溺兄弟始於虞舜化象終於王元伯合族朋  
 友始於管鮑相知終於陳虞相信又論師始  
 於孔子教子路以忠仁終於許衡教  
 蒙古以綱常真垂世立教之大典也  
 始於春秋之鄭子產終於元世之  
 枯木兒漢唐宋起自蕭何而止於  
 文天祥一百三十七人為善不同同歸於忠  
 義也起自田蚡而止於賈似道四十有二人  
 為惡不同同歸於奸佞也

### 英宗睿皇帝

### 大明一統志

首京師而次方岳稽列宿以定  
 分野東盡遼左西極流沙南越

海表北抵沙漠凡天下之山川風  
 俗人物貢賦何者而不載於足乎

### 憲綱

隆之以采訪彈劾之任專之以督察平  
 反之權而其訓戒之辭有曰風憲之心  
 須明曰正大忠厚端勤戒  
 祖宗之重風  
 憲如此當其事者可不思所以報之乎

### 憲宗純皇帝

### 文華大訓

大綱有四曰進學養德厚倫  
 明治蓋念繼體守成之重也

### 續綱目

起於宋太祖終於元順帝傲朱子之  
 凡例遵國史之舊文凡所以尊中用  
 而賤夷狄正名分以立綱常  
 者尤加之意凜乎春秋之筆

### 孝宗敬皇帝

### 大明會典

命儒臣採輯累朝典制勒成一編  
 主之以諸司職掌類之以頒降羣

書附之以歷年事例大綱槩舉而官職制度寓焉衆目畢張而名數儀文係焉我明典籍未有若是書之明且備者

### 武宗毅皇帝

#### 續修會典

命李東陽等重加校正其因革損益有可言者因初親王嘗領宗人府今則用勳戚一人因初嘗置三公府今則為大臣加贈革吏部主事之印事多歸於郎中裁禁門待詔之員職惟統於翰院設詹事以重官僚試科道以重台諫五軍罷斷事之司六部增主事之額親藩之祿或隆或殺問刑之條或減或增一代之經制又更詳矣

### 世宗肅皇帝

#### 明倫大典

扶萬世之綱常極一人之大孝深斥夫濮安懿王之擬大明乎繼統

繼嗣之說以立世廟以定定樂舞其可述者如此

#### 敬一箴

有曰人有此心萬理咸備蓋言道本於心也曰匪一弗純正敬弗聚蓋言

學以體道也

#### 心箴註

宋儒范浚有心箴箋而有所得則註而釋之

#### 四箴解

宋需程頤有視聽言動四箴讀而有悟則分而詳之

#### 和祖德詩

自淳熙太祖以至毅皇莫不贊頌以示世德作亦之意

#### 翊學詩

因輔正進講大學衍義欣然加納作五言詩十韻有曰帝王所圖治講學當為先下作民之主上乃承乎天既又親親宸翰以賜輔臣君唱臣和彙為一帙而翊學詩名焉

今上皇帝

帝鑑圖說

由唐堯至宋哲之朝善者八十一  
事自太康迄道君之世惡者三十  
六端象假丹青按迹而形神俱出類分黑白  
技圖而勸戒昭然善曰聖哲芳規豈特魏徵  
之鑑惡號狂愚覆撤庶幾班伯之屏一事一  
圖錄文史於左幅為解為說取明白而易知

離肅殿箴

養心

省心

思政

樂志

四齋箴

參考書目

皇明玉牒

皇明詔令

皇明政要

皇明開國功臣錄

皇明羣書題要

皇明時務策要

皇明名臣錄贊

皇明名臣類苑

昭代典則

北征錄

大明一統志

熙朝奏議

今獻彙言

燕對錄

龍飛紀略

誠讜錄

詔運錄

大學衍義補

功臣封爵考

建都統議

皇明文衡

瑣綴錄

蔬園雜記

皇明名臣言行錄

否泰錄

灼艾集

枝山野記

英烈傳

商文毅奏略

續通鑑綱目

孫毅菴奏議

大明會典

于忠肅奏議

文獻通考

三朝聖諭錄

瑯琊漫抄

北狩事績

綠雪亭雜記

庚巳編

安南三議

南北事宜

復套策

實邊

交趾鎮末

邊屯考

防倭議

遼東說

日本顛末

薊州說

女直論

太寧說

西域論

三御論

冀都洛邑關中總說

宣府說

治河論

大同說

論漕輓

宣大總論

邊防

玉關總論

海防

寧夏說

漕餉論

甘肅說

宗藩議

固原說

御夷說

革除疏

長城議

虜情議

城塞說

邊事談

時務疏

欽明大獄錄

立齋閑錄

南宮奏牘

瓊臺類稿

九邊考

柳齋疏草

新河集

汪少泉疏稿

建都論

江南行誼

海運途考

破虜疏

海運議

輿地圖說

國朝文獻通考

屯政墾田議

震澤長語

治河議

殿閣詞林記

防河議

憲章錄

西番防議

吾學編

四夷考

東莞通紀

水東日記

朝鮮顛末

鴻猷錄

外史記事

長城說

國朝紀要

互市疏

憲章類編

兩朝憲章錄

三朝聖諭錄

弇州別集

肅皇大紀

史料

出塞說

史乘考誤

京營秉政考

嘉隆聞見紀

復奏議

防秋壘書

督府奏疏

可齊雜記

馬端肅奏議

寓圃雜言

安夏錄

雙槐歲抄

桃溪集

月文苑

十四

叢桂房集

密勿稿

古今識鑒

羣書彙考

中玄要言

虞坡邊談

青溪暇筆

餘光序錄

二莘邊議

雙溪雜著

西虹疏草

東壁謾抄

升菴雜集

撫夷節略

近代名臣言行錄

馬端肅三記

涓厓疏要

雲中撫平錄

胡端敏奏議

議處安南疏

桂州奏議

岨峽別集

碧川集

白鹿藜談

石淙稿

求志詹言

亦獲筆記

函史

楮記室

采魚臆見

藝苑卮言

太函集

龍谿集

耳榻卮言

長孺集

羣書類考



秘笈

彙苑詳註

白鹿謾錄

控峒集

百泉集

白雪樓

袁中郎集

蟻螻編

鄒南臯集

許鍾斗集

篁墩抄

湯睡菴集

懷麓堂

陶歆菴集

顧東橋集

尚友編

陽明全集

求信編

大寶世次

太祖高皇帝

初諱興定改諱元章左為王字字國瑞皇考仁祖第四子也諱世

珍元天曆元年九月十八日生母曰淳后陳氏于至正十五年起義兵丁酉年下金陵置江

南行中書省為右丞相封吳國公丁未即吳王位洪武元年正月初四日即皇帝位國號大明

建元洪武三十一年閏五月初十日崩于西宮壽七十一葬南京神烈山永樂元年六月十一

日上尊諡曰聖神文武欽明啟運俊德成功統天大考高皇帝廟號太祖嘉靖十七年十一月

初一日加上尊諡曰開天行道肇紀立極大聖至神仁文義武俊德成功高皇帝

高皇后

姓馬氏常州人徐王馬公女洪武元年正月月初四日冊立為皇后十五年八月

初十日崩壽五十四合葬孝陵永樂元年上尊諡曰孝慈昭憲至仁文德承天順聖高皇后嘉

初十日崩壽五十四合葬孝陵永樂元年上尊諡曰孝慈昭憲至仁文德承天順聖高皇后嘉

明政統宗

目錄

十一

靖十七年十一月初一日加上尊謚曰孝  
慈貞化哲仁順慈成天育聖至德高皇后

建文

帝諱元炆 太祖孫 懿文皇帝太子追號  
興宗 孝康皇帝之次子也 洪武二十五年

年九月十三日冊為皇太孫 洪武二十一年閏

五月十六日即皇帝位 改元建文 四年六月十

三日靖難兵入金川門 宮中火起 帝殂在位

四年或傳遜于外 成祖即位 革除帝號 建文

四年仍為洪武三十五年

建文皇后

姓馬氏 光祿寺卿全女 洪武二十八年冊為皇太孫妃 建文元年二月冊

立為皇后 四年六月十三日殂于火

成祖文皇帝

諱棣 太祖第四子 元至正二十一年四月十七日生 母曰高皇后

馬氏 洪武三年四月初七日冊封為燕王 建文元年三月十七日之國冊封為燕

王 建國北平 踰京十二年三月十七日之國建文二年起義 兵六月十七日即皇帝位 改元永

樂 二十二年七月十八日崩于榆木川 壽六十五 葬長陵 嶷壽是年九月初十日上尊謚曰體

天弘道高明廣運聖武神功純仁至孝文皇帝

廟號太宗 嘉靖十七年九月十一日加上尊謚

曰啟天弘道高明肇運聖武神功純仁

至孝文皇帝 廟號成祖 在位二十年

姓徐氏 中山武寧王徐達之女 洪武九年正月二十七日冊封為燕王妃 洪武

三十五年十一月十三日冊立為皇后 永樂五年七月初四日崩 壽四十六 合葬長陵 二十二年九月初十日 上尊謚曰仁孝慈

文皇后

懿誠明莊獻配天齊聖文皇后

仁宗昭皇帝 諱高 熾成祖第一子 洪武二十一年七月二十三日生 母曰文皇后

徐氏 二十八年閏九月二十一日封為燕世子 永樂二年四月初四冊立為皇太子 二十二年

未樂 二年四月初四冊立為皇太子 二十二年

仁宗昭皇帝

諱高 熾成祖第一子 洪武二十一年七月二十三日生 母曰文皇后

徐氏 二十八年閏九月二十一日封為燕世子 永樂二年四月初四冊立為皇太子 二十二年

未樂 二年四月初四冊立為皇太子 二十二年

月文克宗

目錄

十二

明政統宗

目錄

十七

八月十五日即皇帝位洪熙元年五月十二日崩于欽安殿壽四十八葬獻陵在位一年七月

初二日尊謚曰敬天體道純誠至德弘文欽武章聖達孝昭皇帝號仁宗

昭皇后

姓張氏永城人彭城伯麒之女洪武二十八年閏九月初四日冊封為燕世子妃永樂二年四月初四日冊封為皇太子妃

宣宗即位七月初八日冊立為皇后宣宗十年英宗即位二月初九日加上尊號曰太皇太后正統七年十月初八日崩合葬獻陵十一月初四日尊謚曰誠孝恭肅明德弘

仁順天敬聖昭皇后

宣宗章皇帝

諱瞻堦仁宗第一子洪武三十一年二月初九日生母曰昭皇后張氏永樂九年十一月初十日冊立為皇太子

仁宗即位十一月初十日冊立為皇太子

為皇太子洪熙元年六月十二日即皇帝位改元宣德十年正月初三日崩于乾清宮壽八葬景陵是月二十五日尊謚曰憲天

道英明神聖欽文昭武寬洪純孝章皇帝廟號宣宗在位十年

恭謙章皇后

姓胡氏濟寧人都督榮之女永樂十三年七月初三日冊封為皇太子妃

孫妃二十二年十月初八日冊立為皇后宣德三年二月以多疾無子上表請閒居別宮正統八年十一月初五日薨謚靜慈仙師葬金山原天順七年閏七月初七日加上尊謚曰恭讓誠順康穆靜慈章皇后修葺陵寢不附廟

章皇后

姓孫氏太保安國公忠之女宣德元年五月初九日冊封為貴妃三年三月初九日冊立為皇太后十年英宗即位二月初九日尊號曰皇太后正統十四年景皇帝

月文統宗

目錄

十八

即位十二年二月初四日加  
 上尊號曰皇太后正  
 統十四年景皇帝即位十二月初四日加上尊  
 號曰上聖皇太后天順二年正月十二日加上  
 尊號曰聖烈慈壽皇太后六年九月初四日崩  
 合葬景陵十月初七日上尊諡曰孝恭懿憲  
 慈仁莊烈齊天配聖章皇后英宗生母祔廟  
 景泰皇后 吳氏丹徒人都督彥名之女正統十  
 四年十二月初七日上尊號為皇太  
 后天順元年復稱皇  
 賢妃以成化中年薨

英宗睿皇帝

諱祈真

宣宗第一子宣德二年

氏三年二月初六日冊立為皇太子十年正月  
 初十日即皇帝位改元正統十四年八月比狩  
 九月初六日尊為太上皇帝景泰元年八月還  
 居南宮執七天順元年正月十七日崩于乾清  
 宮壽三十八葬裕陵二月十二日上尊諡曰法  
 天立道仁明誠敬昭文憲武至德廣孝睿皇帝

廟號英宗 在位八年

睿皇后

姓錢氏中軍都督追贈安昌伯貴之女

順八年 憲宗即位三月初一日上尊號曰慈  
 懿皇太后成化四年六月二十六日崩合葬裕  
 陵七月十九日上尊諡曰孝莊獻  
 穆弘惠顯仁恭天欽聖睿皇后

孝肅皇后

姓周氏慶雲伯追贈寧國公能之女

妃八年憲宗即位二月初一日上尊號曰皇太  
 后成化二十三年四月十七日加上尊號曰聖  
 慈仁壽皇太后是年九月 憲宗即位十月初九  
 日上尊號曰至慈仁壽太皇太后弘治十七年  
 三月初一日崩合葬裕陵四月初六日 上尊  
 諡曰孝肅真順康懿先烈輔大成聖太皇太后  
 憲宗 生母

景皇帝

諱祁王<sub>虛</sub> 宣宗第二子宣德三年八月初三日賢妃吳氏宣德十年二月初九日冊封為郕王正統十四年英宗北狩九月初六日即皇帝位尊母吳妃為皇太后景泰八年正月十七日英宗復辟是為天順元年二月初四日復為郕王是月十九日薨于西宮壽三十諡曰戾葬金山成化十一年十二月十三日復皇帝號二十四日上尊諡曰恭仁康定景皇帝

景皇后

姓汪氏中兵馬指揮英之女正統十年八月二十五日冊封為郕王妃十四年景皇帝即位十二月册立為皇后景泰二年廢天順元年二月復為郕王妃正德元年十二月十五日薨合葬金山二年十一月上尊諡曰貞惠安和皇后再立皇后抗氏人女景泰二年五月初二日冊為皇后天順元年廢死

憲宗純皇帝

諱見濟英宗第一子正統十二年十月初一日生母曰孝肅太后周氏初名見深正統十四年八月郕王攝政皇太后命冊立為皇太子景泰三年降封沂王天順元年三月初六日改今諱復立為皇太子八年正月二十二日即皇帝位成化二十三年八月二十二日崩于乾清宮壽四十一葬茂陵九月十九日上尊諡曰繼天凝道誠明仁敬崇文肅武寵德至孝純皇帝廟號憲宗在位二十三年

純皇后

姓王氏中軍都督追贈阜國公鎮之女天順八年十月十二日冊立為皇后成化二十三年孝宗即位十月初九日上尊號曰皇太后弘治十八年八月初二日武宗即位加尊太皇太后正德五年加上尊號曰慈聖康壽太皇太后十三年二月初四日崩合葬茂陵三月初三日上尊諡曰孝貞莊懿恭靖仁慈欽天輔聖純皇后

孝穆皇后

姓紀氏中軍督督福斌之女成化十一年六月二十八日薨七月二十一日追封恭恪莊僖淑妃葬金山二十二年孝宗即位十一月二十六日加上尊謚曰孝穆慈慧恭恪莊僖崇天承聖皇太后十二月十七日遷葬茂陵孝宗生母

孝惠皇后

姓邵氏贈昌化伯林之女成化十二年七月初八日冊封為宸妃二十三年七月二十七日冊封為貴妃正德十六年世宗即位十月初三日進稱皇太后嘉靖元年三月十一日上尊號曰壽安皇太后是年十一月十八日崩葬金陵後遷茂陵二年正月二十日上尊謚曰孝惠康肅溫仁懿順協天佑聖太皇太后睿宗生母

孝宗敬皇帝

諱祐堂憲宗第二子成化六年七月初一日生于西宮母曰孝穆皇后紀氏十一年十一月初八日冊立為皇太子二十三年九月初六日即皇帝位改元弘治

十八年五月初七日崩于乾清宮壽三十六本年六月初一日上尊謚曰達天明道純誠中正聖文神武至仁大德敬皇帝廟號孝宗十月十九日葬泰陵在位十八年

敬皇后

姓張氏壽寧侯追封太保昌國公鸞之女成化十三年二月初六日冊立為皇太子妃十月初十日冊立為皇后弘治十八年

武宗即位八月初二日上尊號曰皇太后正德五年十二月十二日加上尊號曰慈壽皇太后嘉靖元年世宗即位三月初十日加上尊號曰昭聖慈壽皇太后三年四月初十日加上尊號曰昭聖康惠慈壽皇太后十五年閏十二月初三日加上尊號曰昭聖恭安康惠慈壽皇太后十年八月初八日崩十九日加上尊謚曰孝康肅莊慈哲懿翊天贊聖敬皇后十一月初九日合葬泰陵

武宗毅皇帝

諱厚名孝宗第一子弘治四年九月二十四日生母曰敬皇后張

氏五年三月初八日冊立為皇太子十八年五月十八日即皇帝位改元正德十六年三月十四日崩于豹房壽三十一四月二十二日世宗即位五月初八日上尊謚曰承天達道英肅睿哲昭德顯功宏文思孝毅皇帝廟號武宗九月二十四日葬康陵在位十六年

毅皇后

姓夏氏慶陽伯儒之女正德元年八月初九日冊立為皇后十四年正月二十五日崩三月初九日上尊謚曰孝靜莊惠安肅溫誠順天偕聖毅皇后合葬康陵祔廟

世宗肅皇帝

諱厚熹睿宗第二子正德二年八月初十日生于興府母曰獻皇后蔣氏十六年三月十五日以興氏子奉迎入繼大統四月二十二日即皇帝位改元嘉靖四十五年十二月十四日崩于乾清宮壽六十隆慶元年正月二十日上尊謚曰欽天履道英毅

聖神宣文廣武洪仁大孝肅皇帝廟號世宗三月十七日葬永陵在位四十五年

肅皇后

姓陳氏泰和伯萬言之女嘉靖元年九月初二日崩十二月初三日謚曰悼靈皇后八月初九日改謚孝潔皇后嘉靖四十五年穆宗即位隆慶元年正月二十九日加江尊謚曰孝潔恭懿慈睿安莊相天翊聖肅皇后

廢后

姓張氏錦衣衛指揮僉事楫之女嘉靖元年十八日冊立為皇后嘉靖十二年正月初六日廢十五年閏十二月初三日薨十六年正月十九日改曰繼后葬金山

孝烈皇后

姓方氏安平侯懿之女嘉靖十年三月初二日冊封為德妃十三年正月

十五日冊立為皇后二十六年十一月十八日崩謚孝烈皇后先入未陵玄宮耐太隆慶元年穆宗即位正月二十九日加上尊謚曰孝烈端慎敏忠恭誠祇天衛聖皇后繼聖和

孝恪皇后

姓杜氏慶都伯林之女嘉靖十年二月初九日進封康妃三十三年正月初十日薨葬金山隆慶元年穆宗即位正月初八日加上尊謚曰孝恪淵純慈懿恭順贊天開

聖皇太后三月十七日遷葬永陵

穆宗莊皇帝

諱載元世宗第三子嘉靖十六年正月二十三日生母曰孝恪

太后杜氏十八年三月初一日冊為裕王四十五年十二月二十六日即皇帝位改元隆慶六年六月二十七日上册謚曰契天隆道淵懿寬仁顯文光武純德純孝莊皇帝廟號穆宗本年九月十九日葬昭陵在位六年

莊皇后

姓李氏德平伯歸之女嘉靖三十二年二月初八日冊封為裕王妃三十七年

四月十三日薨葬金山隆慶九年正月二十九日謚曰孝懿貞惠順哲恭仁儷天襄聖莊皇后九月十九日合葬昭陵附廟

懿安康靖仁聖皇太后

姓陳氏通州人固安伯宗行女嘉靖三十八年

九月冊立為皇后六年令上即位上尊號曰仁聖皇太后萬曆六年二

昭文明肅慈聖皇太后

姓李氏宛平人武清伯偉之女隆慶元年二

月初九日冊立為皇貴妃六年今上即位七月初二十七日上册尊號曰慈聖皇太后萬曆六年二月加昭文十年加明肅



今皇帝

御名翊鈞 穆宗第三子嘉靖四十二年癸亥八月十七日生母曰慈聖皇太后李氏隆慶二年三月十一日冊立為皇太子六年六月初十日即皇帝位改元萬曆

帝號尊崇

德祖者

伯六公 高皇帝四世世祖也家句容之朱家巷為重八公第三子葬于朱巷是為德祖玄皇帝配胡氏曰玄皇后俱洪武元年正月乙亥追上尊號

懿祖者

四九公德祖第三子也葬于朱巷小明王龍鳳九年贈資德大夫江南等處行中書省右丞上護軍司空吳國公是為懿祖恒皇帝配侯氏初贈賢國夫人是為恒皇后俱洪武元年正月乙亥追上尊號

熙祖者

初一公懿祖長子徙泗州遂葬泗州祖陵基連山龍鳳九年贈光祿大夫江南

等處行中書省平章政事杜國司徒吳國公是為熙祖花皇帝配王氏贈公夫人是為裕皇后俱洪武元年正月乙亥進上尊號

仁祖者

五四公諱世珍熙第三子移地鍾離之西鄉遷東鄉後遷太平鄉以元至正四年四月六日崩壽六十六葬中都皇陵翊聖山初曰英陵龍鳳九年贈開府儀同三司上柱國錄軍國重事中書右丞相太尉吳國公是為仁祖淳皇帝配陳氏楊王陳公女至正四年四月二十九日崩是為淳皇后俱洪武元年正月乙亥進上尊號

興宗者

建文君之父也諱標洪武三十一年建文君即位七月加上尊號曰興宗孝康皇帝后常氏初諡懿敬妃以洪武三十一年七月加上尊號諡曰孝康皇后繼配后呂氏太常卿本之女洪武三十一年七月尊為皇太后靖難後仍故封號餘見○泳化錄

睿宗獻皇帝

諱祐憲宗第四子成化十二年七月初二日孝惠太后邵氏生二十

三年七月十一日冊封為興王弘治七年九月十八日之國湖廣安陸州今承天府正德十四

年六月十七日薨諡曰獻壽四十四葬純德山嘉靖元年世宗即位三月二十一日上尊諡曰

興獻帝修葺陵寢號顯陵二年七月二十二日加上尊諡曰恭睿淵仁寬穆純聖獻皇帝十七

年九月十一日加上尊諡曰知天守道洪德淵仁寬穆純聖恭儉敬文獻皇帝廟號睿宗

獻皇后

姓蔣氏贈王田伯効之女弘治五年正月二十日冊為興王妃嘉靖元年世宗

即位三月二十一日上尊號曰興國太后三年四月十六日加上尊號曰章聖皇太后七年七


月十二日加上尊號曰章聖慈仁皇太后十五年閏十二月初七日加上尊號曰章聖慈仁康

靖皇太后十七年十二月初四日崩二十七日上尊諡曰孝慈順仁敬誠一安天誕聖獻皇后十八年七月二十五日合葬顯陵祔太廟

新刻明政統宗卷之一

太祖高皇帝

帝朱氏諱元璋字國瑞先世居沛之句容  
 祖渡淮家泗上  
 太祖及太后陳徙濠生帝于  
 元天曆戊辰九月十八日初后夢神人袍笏授  
 丹丸吞之覺而異香襲體遂娠時家人取水為  
 浴忽有紅羅浮河上遂取衣之里人名其居為  
 紅羅幃其夕赤光燭天照耀千里異香經宿不  
 散室中嗣是常有神光灼爍如焚望者疑火走  
 護之卒無所見數日後帝不乳食  
 太祖出  
 不見醫門遇一僧告之故僧曰夜子時飲矣  
 太祖謝已僧忽不見夜半帝愈  
 帝少苦病  
 太祖欲度為僧會歲疫  
 太祖  
 太后不祿兄  
 南昌王臨淮王盱眙王俱即世  
 帝年十七從  
 汪媪議遵先志遂托身皇覺寺師事高彬居寺  
 多異徵眾頗異之無何出遊江淮歷金丰光息



穎川道病有兩朱衣人與之同食息病已遂去嘗夜臨麻湖中遇羣兒呼迎聖駕上叱之忽絕跡已倦遊歸寺適汝穎斬黃盜興帝春秋二十五矣禱神卜出處惟從雄吉遂決計

壬辰元正十二年是年徐壽輝稱帝國號天完劉福通據朱皇李二將彭越稱王

上入濠時定遠人郭子興乘亂結其黨孫慎崖舉兵攻濠據之自稱元帥元將撤聖不生路咸思王豪傑以自保閏三月上入濠見

子興門者執欲害之子興遣人追至一見奇之與語大悅留參謀議凡有攻伐即命以往往往輒勝子興由是兵勢益振

配馬氏初宿州鬻子鄉人馬公素剛直重然諾愛人喜施避讐定遠與子興為列頸交

馬公有季女甚愛之術謂當大貴馬公謀還宿州起兵應子興即以女托子興曰幸公善撫

子興撫之如子公尋卒子興欲為女擇配謂帝裕遠各宜配之子興妻張氏自彼為他人所親誰與成事者子興遂以妻之即高皇后也上既在甥館日治兵征討時湯和委心推翼為萬夫長

癸巳元至正十三年是年張士誠起兵據高郵稱王

上拔選將士先是趙均用彭早柱為元所迫率將賈魯圍濠均用與郭孫納之反為所制元圍解彭趙遂據濠稱王上心惡之棄數百人選其精銳二十四人徐達湯和吳良吳禎花雲

張龍陳桓謝茂李新張赫張瑄周德興以上皆濠名士後皆為國功臣

狗定遠下滁陽濠自元兵退軍士多傷上乃歸濠募兵與徐達等南畧定遠

子興撫之如子公尋卒子興欲為女擇配謂帝裕遠各宜配之子興妻張氏自彼為他人所親誰與成事者子興遂以妻之即高皇后也上既在甥館日治兵征討時湯和委心推翼為萬夫長

癸巳元至正十三年是年張士誠起兵據高郵稱王

上拔選將士先是趙均用彭早柱為元所迫率將賈魯圍濠均用與郭孫納之反為所制元圍解彭趙遂據濠稱王上心惡之棄數百人選其精銳二十四人徐達湯和吳良吳禎花雲

張龍陳桓謝茂李新張赫張瑄周德興以上皆濠名士後皆為國功臣

狗定遠下滁陽濠自元兵退軍士多傷上乃歸濠募兵與徐達等南畧定遠

子興撫之如子公尋卒子興欲為女擇配謂帝裕遠各宜配之子興妻張氏自彼為他人所親誰與成事者子興遂以妻之即高皇后也上既在甥館日治兵征討時湯和委心推翼為萬夫長

癸巳元至正十三年是年張士誠起兵據高郵稱王

上拔選將士先是趙均用彭早柱為元所迫率將賈魯圍濠均用與郭孫納之反為所制元圍解彭趙遂據濠稱王上心惡之棄數百人選其精銳二十四人徐達湯和吳良吳禎花雲

張龍陳桓謝茂李新張赫張瑄周德興以上皆濠名士後皆為國功臣

狗定遠下滁陽濠自元兵退軍士多傷上乃歸濠募兵與徐達等南畧定遠

有告定遠張家堡民兵號驟牌寨者。孤軍乏  
糧欲來降。未夾。上選騎士費聚等從入其營  
出迎請命。上曰。郭公與足下有舊。聞他敵  
欲來攻。特遣相報。能相從。則與俱往。不則移兵  
避之。其帥請留物為信。上解佩囊與之。彼以  
牛脯為獻。上覘其疑。留費聚偵之。後三日報  
曰。事不諧矣。欲他往。上率兵以計降之。得壯  
士三千人。率之而東。夜襲元知院老張于橫澗  
山。元將遁。降其民兵男女七萬。得壯士二萬人。  
南畧滁陽下之。時彭趙自相吞噬。早任下。惟均  
用據濠。子興勢孤。將其所部萬人至滁。見  
上所將兵。號令嚴明。軍容整肅。大悅。  
甲午。元至正十四年。汴河水冰五色。  
如繪。歲饑。星變。地震。山崩。

國用首獻定鼎金陵策

國用。定遠人。與弟國  
勝。率眾歸附。兄弟並

喜讀書。尤喜讀孫武子。上見而奇之。曰。爾其  
儒生耶。因問定天下計。國用曰。金陵龍蟠虎踞。

帝王之都。願先拔金陵定鼎。然後命將四征。倡  
仁義以收人心。天下不難定也。上悅。命典宿衛。

命李善長贊軍務。畫餽餉。

善長定遠人。來謁。上與  
語。竟日。六悅。遂有是命。

元兵寇六合。滁州。

上帥取再成禦却之。

元脫  
脫克

高郵分兵圍六合。六合求救。子興不答。上曰。  
六合無救。必斃。將及滁。時元兵百萬。諸將畏之。  
子興屬。上往救。上遂帥師而東。與取再成  
守瓦梁壘。元兵攻壘數四。每垂陷。復完壘力戰。  
元兵疑之。上又以計給之。遂引去。已而元兵  
大至。將攻滁。上設伏澗側。大敗之。滁城得完。  
時吳復。下德興。胡大海。趙德勝。皆來歸。兄子朱  
文正。姊子李文忠。亦至。文正。南昌王子。文忠。曹  
國長公子。又有方士鐵冠道人。精數學。謁見  
謂。上狀貌非常。貴不可言。受命應在十日內。

乙未

元至正十五年  
宋龍鳳元年

取和陽

命張天祐取再成湯和拔其城據之。上曰和陽可圖

上入撫定城中民大悅子興命上總和陽兵上謀斷出諸將右諸將多王貴部曲未服惟湯和聽命唯謹善長委曲調護後元帥陳瑊先復以十萬兵犯和陽上與善長等兩却之時定遠茅成合山仇成來歸一人俱驍勇有膽智上留置麾下

郭子興卒其子請上將其兵

子興與孫德崖有憾因德崖來

就上被執亟遣徐達往代上得還至和陽子

就食和陽子興執德崖德崖弟遂執上上得還至和陽子興亦釋德崖徐達亦還子興遂以憂悶致疾卒德崖欲襲其軍子興之子聞而懼請上代統之而常遇春鄧愈皆來從時韓林兒遣人檄召諸將檄上為左副將軍上曰大丈夫寧能受制于人耶遂不受

上帥師渡江取太平

上方與諸將謀渡江取金陵患無舟楫時廖永安永

忠俞廷玉與子通海通淵張德勝葉昇桑世傑各率舟師間道來附上謂諸將曰方謀渡江而巢湖水軍至天贊我也事其濟乎時銅城開馬場河隘口為元中丞蠻子海牙所扼上令舟師擊敗之取道小巷出舟方苦涸會雨兼旬獲濟巢縣人丁德興亦率所部來歸軍聲雄振諸將議從金陵上曰采石南北襟喉得采石金陵可下遂帥諸將引兵渡江時西北風順舳艫齊發軍上爭驩躍頃刻達牛渚守者不支驚遁常遇春奮戈先登諸軍繼之采石兵驚潰遂拔之沿江諸壘皆降遂薄太平城下急攻之元守將棄城遁部將吳昇當塗人領郡兵出降上喜曰吾納士降賢共舉大事聞汝江左名賢即擢為總管昇再進曰主公欲取天下莫如恤兵寬民何征不服初上發采石令李善長為戒輒軍士榜比入城張之士卒不戰解甲

命改太平路為太平府。以李習知府事。

以陶安參幕府事。

習安。太平耆儒。聞平。率父老出迎。見

上入太

安謂習等曰。龍姿鳳質。非常人也。我輩今有主矣。上召見。與語。安曰。四海鼎沸。豪傑並爭。攻

城屠邑。互相雄長。志在子女玉帛。非有安天下之心。明公神武不殺。順天應人。而行吊伐。天下

不足平也。上善其言。又勸上取金陵。合上意。由是禮遇甚厚。故有是命。時合肥人錫標

九月丁亥。上第一子生。

丙申。

元至正十六年。宋龍鳳二年。是年。兩山相盪。李實如黃瓜。星隕化石。

春三月。克金陵。元御史大夫福壽死之。

先是蠻

截采石。陳瑊先攻太平。上遣徐達等敗之。降瑊。先瑊先叛。尋為民兵所殺。海牙復扼采石。

上命遇春擊之。俘獲萬計。併其舟艦。海牙走集慶。元人扼江之勢。遂衰。我師水陸並進。瑊先子

兆先。合淮兵二十萬。與海牙。康茂才。皆望拒戰。廖永安等攻兆先營。降之。擇驍勇五百人入衛

獨留馮國用。待卧榻旁。上解甲。齟齬達旦。眾相語曰。活我。又腹心待我。何可不盡力圖報。進

攻集慶。未及城五里。諸軍鼓譟而前。元兵破膽。福壽拒守。將士以雲梯登城。遂克之。福壽死于

兵。海牙奔投張士誠。降其御史王稷。元帥李寧。康茂才。得軍民五十餘萬。上入城諭之曰。吾

率眾至此。為民除亂。汝宜各安職業。毋懷疑懼。賢人有能立功業者。用之。舊政不便者。除之。俾

改集慶為應天府。置上元江寧二縣。

建江南行中書行省。以李善長。宋思顏為參議。李

夢庚。陶安等。為左右司郎中。員外郎。

置江南行樞密院。以徐達湯和同僉院事。

置總制親軍都指揮使。以馮國用為之。

置五翼元帥府。○取鎮江改為江淮府。尋取廣德

上如江淮府。○謁孔子廟。謁畢分遣儒臣告諭鄉里勸農桑。

七月遣使聘鎮江秦從龍。既至上親迎之。事無大小皆與謀從龍。

各盡言無隱每以筆書濼簡問答甚密上稱為先生而不名。

十一月丁亥。皇第二子生。

丁酉。元至正十七年宋龍鳳三年是年龍鬪冬。犯歲星徐壽輝將明王珍據成都。

二月克長興。於是士誠步卒騎不敢出廣德窺宣歙。

三月克常州。常州先以偽吳張士誠所陷及是士誠遣弟士德號九六以數萬眾

來援徐達伏兵擒之。士誠奉書請和。上復數其罪。士誠不報。達請益兵圍之。城下遂克。

夏四月取寧國。遇春中矢果殫力戰。上稅督師造飛車前編竹為重蔽數道

並進攻之。仲英等不能支。開門請降。擒其元帥朱亮祖得軍七十餘萬馬二千匹。于是所屬太

光府德南陵涇縣相繼皆下。

五月克泰興。時張士誠遣兵來救。元帥徐達擊敗之。擒其將楊德文。

六月徵前池州學正朱开叅密議。

克青陽。尋取江陰。

七月。狗宜興。取常熟。尋克徽州路。



八月。天完將陳友諒殺倪文俊併其兵。自稱平章。九月。下武康。劉福通攻汴梁。掠地山東山西。取揚州。仍以李德成知府事。

戊戌元至正十八年。宋龍鳳四年。是年日色如血。空有聲如雷。雲如火。星天雨白。已太陰犯昴元大飢。斗米一金。

春正月取婺州。卽金華府。按克婺時。胡大海薦其同里儒士王宗顯。上令

宗顯往婺城。察事宗顯至。婺城五里宿舊識吳世傑家。探得城中守將各自為心。回報。上喜。曰。我得婺州。今你作知府。

陳友諒破安慶。余闕死之。

二月以康茂才為營田使。論之曰。兵亂隄防。頽圯。民廢耕作。而軍用

沿繁理財之道。莫先于農務。故命爾此職。以隄隄水利之事務。以時蓄洩。慎勿負予付託之

甲申克建康

卽今嚴州。

五月下浦江縣

縣鄉鄭氏者。宋聚族同居。至元旌為義門。俱避山谷。卽訪得之。

悉送還家。禁軍士毋侵掠。

九月。元江浙同僉員成率其元帥李福等來降。

張士誠據杭州嘉興紹興等郡。

命李善長徐達守建康。上欲親征。故命二人留守。

上親征克婺州。時寧越既定。欲取浙東。未下諸郡。上乃與諸將約曰。克城雖

以武而安民。必以仁。吾師比人建康。秋毫無犯。故一舉而遂定。今所克婺城。民始獲甦。正當撫

恤。使民樂于歸附。則彼未下諸郡。亦必聞風而歸。吾每聞諸將不妄殺人。輒喜。蓋行師勢如烈

月文統宗

卷一

火。火烈則人避為將能以不殺為心不惟利于國家在已亦蒙其福。大功可成。

**克宜興**

先是徐達攻久不下。上謂宜興西通大湖口。張士誠餉道所由出計絕餉道。城必破矣。達奉命併力急攻。城遂破之。尋取建德。

十一月辛丑立管領民兵萬戶

諭中書省以古者寓兵于農意

壬子 皇第三子生

改婺州為寧越府。

以王宗顯為寧越知府。命開郡學。

延儒士葉儀宋濂為五經師。戴良為學正。吳沈徐

源等為訓導。

時喪亂之後學校久廢至是始聞絃誦之聲無不欣悅。

己亥

元至正十九年宋鶴鳳五年太白犯上將左右執法白虹亘天元邪有杜鵑

春正月取諸暨

時有儒士許垓入見擢為博士

三月遣使招諭方國珍。

時國珍遣使奉書幣以温台慶元三郡獻且以

次子關為質。上曰既誠信米歸何以質子為厚賜關而遣之。

上還建康。

上在寧越將還召胡大海守之。命與遇春同心協力。向問取諸郡。

八月元帥朱文遜秦友諒克無為州。

九月克潛山。尋取衢州。

是月兵長敗士誠兵于常州俞近王攻安慶沒于陣

冬十一月取處州。

時胡深與石秣宜孫統龍泉慶元松陽遂昌兵欲閉關為

守拒計。士民咸請于深願內附以全民命。深知時事已去乃解甲出見軍師胡大海一郡遂不

受兵 上素聞深名召至南京擢左司員外郎  
深有言 上善之乃 詔深還處州招集部兵

附錄

元徵海運于張士誠元授方國珍江浙行省平  
軍政事陳友諒幽其主徐壽輝江州稱漢王

庚子

元至正二十年宋龍鳳六年是歲天完亡漢大義一

春正月復以寧越府為金華府。

元福建行省叅政袁天祿以福寧州歸。

天祿見處州已

下。據案歎曰天命有在矣吾何不歸遂遣方田縣尹林文廣納款。

以馮國勝為總制都指揮使掌親軍。

國用卒子誠幼故命勝

徵劉基宋濂章溢葉琛詣建康

命有司創禮賢

館處之

四先生至胡大海薦之也亦薦王禕詩元黃錫

四月

皇第四子生

閏五月偽漢陳友諒寇太平行樞院判花雲力戰

城陷死之。

是月十九日乙亥也後四年追封為東丘侯

守臣許瑗不

屈死。

追封高陽郡侯時友諒以舟師圍太平花雲率兵迎戰城中乏食士馬憊城陷賊縛

雲雲奮身大呼縛盡裂起奪刀殺賊五六人賊怒眾執雲縛於舟檣射之雲罵賊至死不變賊直犯龍江上授

諸將方畧敗之。

附錄

按花雲妻邵氏生一子方三歲雲就縛

抱兒逃為偽漢軍擄之至九江軍中惡小兒啼  
孫氏恐兒被害以簪珥屬漁家育之偽漢敗孫氏脫身至漁家復竊兒去夜宿穴中天曙登舟渡江遇漢潰軍奪舟梓孫氏及孤兒沒之江隅

江中有段木附之入蘆渚中渚有蓮實孫氏取  
嚼兒凡七日不死忽夜半聞人語呼之遂老  
父號雷老告之故與偕行達上所孫氏抱兒  
泣拜上亦泣寘兒膝上曰此將種也命賜

陳友諒寇建康我師合擊大敗之遂取安慶復大

平

是月友諒駐兵采石亟欲自帝乃於舟  
中密使人弑壽輝遂以采石五通廟稱  
行殿草次成禮即皇帝位國號漢改元大義遣  
人約張士誠夾攻金陵聲震遠遐時獻計者或  
謀以城降或以鍾山有王氣請往據之或欲決  
於一戰不勝而走未晚也劉基不言上亟召  
基問計基對曰先斬主降議及奔鍾山者乃可  
破賊耳上曰先生計將安出基曰如臣之計  
莫若傾府庫開至誠以固士心且天道後舉者  
勝宜伏兵俟隙擊之取威致勝以成王業在此  
時也上深然之或勸親征上曰不然敵  
我出以佈師綴我我欲戰彼不交鋒即解纜

下流半日可至金陵吾步騎非一口可至倘使  
可至百里趨戰又非上將利也乃召指揮康茂  
才謂之曰有事命汝能之乎茂才曰惟所命  
上曰陳友諒欲來為寇吾欲速其來非汝不可  
為汝與友諒有舊今汝作書偽降約為內應招  
之速來仍給以虛實使彼分兵三道以弱其勢  
茂才諾曰吾家有老閹者舊嘗事友諒今齎書  
以往友諒必信來無疑計定上召李善長語  
之善長曰方不得寇去何為更誘之來上曰  
此計之上也今不預為之計則使二虜相合吾  
何以支先破此虜則東寇胆落矣善長曰善遂  
為書使閹者詣友諒友諒見書喜問康公何在  
曰見守江東橋江東橋何如曰木橋也因酒食  
闈者而遣之且曰吾即至則呼老康為號闈者  
歸達于上喜曰虜落吾彀中矣即日命善長  
撤江東橋易以鐵石通霄治之及旦橋成會有  
富民自友諒軍中逸歸言友諒問新河口道路  
上即令于新河口跨水築虎口城命元將趙得

勝及營陽侯領兵守之。遣馮宗異、常遇春率帳前五翼軍三萬人伏石灰山側。徐達等陣于南門外。楊璟駐兵大勝港。張德勝、朱虎率舟師出龍江關外。上親櫓大軍伏廬龍山。今改名獅子山。在金山門外。令軍中以黃赤二幟為號。持黃幟者伏山之左，持赤幟者伏山之右。先與諸將約曰：寇至則舉赤幟，及黃幟者則伏兵四起。各嚴整以待。越明日辛丑，友諒果率舟師東下。抵大勝港。楊璟整兵禦之。時水路狹隘，僅容三舟入港。友諒遽引舟師出大江，徑衝江東橋。見橋皆石砌，始驚疑，連呼老康老康，無應之者。乃覺閣者之行，贖也。即與弟號王王者帥兵千餘向龍江渚，勢甚銳。時酷暑，一衣紫茸甲，張蓋就食。當乘勢擊之。將士莫測，須臾風自西北起。雨大至，時敵遣萬人登岸立柵，我伏赤幟舉。諸軍競前，拔柵。友諒麾其軍來戰，遂命鼓黃幟。又舉時馮勝常遇春徐達等伏兵皆起，張得勝、朱

六月取信州

友諒入寇，上命胡大海出信州，以牽制友諒兵。大海遣元帥葛葛

虎舟師並集，犄角而攻。大破友諒，友諒亟趨舟。適潮退，舟膠淺不能動。其眾二萬餘皆乞降。弱者無算，獲巨艦曰混江龍，塞斷江。撞倒山。江海賊凡百餘艘，及戰，船數百，遂降。其將張志雄、梁鉉、喻國興等，友諒棄所乘舟，僅以小艇脫走。馮勝、華高等擊其殘眾于石灰山。俞通海追擊之，及焚其舟，敵大潰。上乘勝，命張德勝等追至采石。大戰既酣，廖永志統所部大呼殺入，華雲龍躍馬搗其中堅。有王銘者，獨馳入陣，敵攢槊刺之，傷額。旋轉三遭，殺傷過當。德勝力戰而死。周顯又戰于觀渡橋，敗之，獲其鼓手僧家奴。勇士何長等一十三人，敵遁走，遂復太平。時友諒降將張志雄言于上曰：初友諒東下，併安慶之兵以行。今既敗，安慶無守禦者。上即命達以兵襲安慶，復之。未幾，友諒遣將張定邊攻陷安慶，遂嚴兵固守。治于江州，以徐圖報復。

俊往既入衢州見王愷愷曰此行不可遣俊也  
亟使乘驛歸金陵告大海曰信為友諒門戶彼  
既傾國入寇必以重兵為守非大將統全軍臨  
之非惟信不可下吾衢已先震矣大海悟遂親  
統兵行六月至靈溪城中出步騎數千迎戰大  
敗之遂拔其城事聞命改信州為廣信府以  
大海子德濟為行樞密同  
金守之漢境門戶遂墮

七月 皇第五子生

冬十一月朔黃河清

凡三日入壬寅十一月自平陸三門磧至孟津五百里皆清凡七日秋書少監程徐記之十二月石州清至冰泮始如故

辛丑 元至正二十一年宋龍鳳七年漢大義三年

春正月下東流

議立鹽法置設官以掌之

置寶源局鑄中通寶錢

議立茶法令州縣官一員掌其事

改樞密院為大都督府

方國珍以金玉飾馬鞍來獻却之

國珍遣其將檢校燕敬來獻上曰吾方有事于四方所需者文武才能所用者布帛穀粟寶玩非所好也命却之

秋七月陳友諒以張定邊陷安慶我師復之

初上聞安慶之變召諸將論之曰友諒殺徐壽輝僭稱天號侵我太平犯我建康不自悔禍今又陷安慶觀其所為不減不已汝等各厲士卒以從

徐常等發龍灣諸軍乘風沂流而上時友諒兵望風奔遁師至安慶敵固守不戰上命廖永忠張世雄克之長驅至小孤山友諒守將傅友德丁普郎迎降

八月取江州

今九江府僞漢所都我師次于湖口友諒親兵督戰上命分舟師兩翼夾擊大破之友諒窮蹙夜半挈妻子退保賦

克南康

斬黃興國沔陽來降

遣使招諭江西諸郡

十二月胡廷瑞以南昌來降

僞吳李伯昇寇長興

上命常遇春救之

伯興十萬

兵入寇薄城城中兵七千耿炳文嬰城拒守副元帥劉成戰死寇復圍城結九寨為樓車下瞰城中運土填濠放火船燒水關攻城益急九月餘內外不相聞遇春救之伯昇遁襲之俘斬三千人

江西平

吳宏以饒州降王溥以建昌降鄧克明以撫州降先是元帥王思義克鄱陽之利陽鎮擒賊首楊文友戮之鄧愈攻浮梁不下上命谷繼先劉文旺往助克之于光克樂平陳龍以奉新六縣降孫本立以吉安降歐普祥以袁州降

壬寅

元至正二十二年宋龍鳳八年

上幸南昌胡廷瑞率眾出迎

初上在江州廷瑞遣鄭仁傑納款

仁傑言廷瑞本意上以書報之廷瑞遂決意遣康太至九江降至是上發九江至龍興廷

瑞出迎。上慰勞之。遂率王溥諸人見。

改龍興為洪都府。以葉琛知府事。

以鄧愈為江西行省叅知政事。

王禕撰平江西頌。

陞李文忠為浙江行中書省左丞。總制嚴衢信處

諸全軍馬。

初金華賊蔣英劉震殺胡大海。王愷死。義愷子賓大海子關住皆被殺。典

史李斌懷省印。縋城走嚴州。告變于文忠。文忠遣何世明等討之。賊懼走降。張士誠。文忠到金華撫其民。處州賊李祐之殺取再成。孫炎王道同俱死。義。上聞命。邵榮討之。文忠遣元帥王祐助攻復平。時一郡賊亂。復煽惑衢州。會劉基。一夏回。一夕定之。再成。下天壁。聞變。馳文忠所

得父部將朱絢等。合兵討賊。至是張士誠將呂珍兵十餘萬圍諸全守將謝再興。告急。文忠與部下議。眾寡不敵。兼邇賊境。然兵貴虛聲。張榜示賊所。邵榮兵五萬出江右。徐達兵五萬出徽州。約會金華。尅日進剿。賊兵見之。退五里以待。時胡德濟得文忠檄。自信州來援。復得降卒。虛實。會再興兵夜半出城。聲振天地。賊驚潰。德濟督兵追殺。片甲不還。尋以諸軍攻贛。得七伏誅。

上還建康。祝宗康太叛。據南昌。葉琛死之。

上以廷瑞

等還建康。祝宗等叛。反劫南昌。殺葉琛。上聞變。命徐達還討之。尋復時安豐。曹良臣。韓政。各率眾來歸。上嘉之。授良臣為江淮叅政。政江淮平章。

陳友諒將熊天瑞寇陷吉安。殺守臣孫本立。大都

督朱文正討復之。



元擴廓帖木兒遣使以書來獻馬。

先是擴廓父察罕駐兵汴

梁。上通好。察罕亦以書來聘。察罕為田豐王士誠刺殺之。擴廓代領其眾。復仇祭父。至是遣尹煥章送我使者自海道還。因獻馬。上復遣汪河送煥章。以書報之。益修好如故。

癸卯。

元至正二十三年。宋龍鳳九年。明玉珍帝蜀。號夏天統元年。

二月。申將士屯田令。

上初命諸將分屯龍江等處。至是康茂才屯積充物

他人不及。上乃下令申諭將士。宜督軍士。及時開墾。以興地利。庶兵食足。國有所賴。

命徐達圍廬州。

先是劉福通兵勢日蹙。以安豐城殺福通。上令達遇春擊安豐。珍極力以拒

我師拔其中壘。據之。珍急攻。上命遇春橫擊之。三戰三勝。珍大敗。時廬州左君弼以兵助珍。遇春又擊敗之。珍與君弼遁。帝還。命徐達移師之。

七月。大師克陳友諒。偽漢亡。

初友諒忿疆場日蹙。作大艦高數丈。

空國寇南昌。圍城氣甚盛。宋文正鄧愈等禦之。牛海龍。趙國旺。許瑋。朱潛。程國勝。戰死。復擒吉安劉齊等。狗城下不動。攻禦俱力。友諒勢窮。然兵圍八十日。音問不通。張子明告急。建康見上。上問狀。且曰。為語文正堅守。吾自取之。子明為漢所獲。漢使之反。命子明偽許之。至南昌城下。申前命。遂遇害。上隨帥師二十萬往擊之。召徐達。常遇春。撤廬州圍。同援南昌。師次湖口。遣一軍屯涇江口。一軍屯南湖嘴。以遏歸師。又調信州兵守武陽。渡防其奔逸。漢聞大軍至。解圍出湖。迎戰。遇于康郎山。達身先擊敵。殺千五百人。獲巨舟。還軍威大振。忽敵將張定邊犯上。舟。舟膠。牙將韓成服。上冠袍對敵投水。敵信之。攻稍緩。遇春射中定邊。定邊舟却。上舟遂脫。永忠以飛舸追定邊。邊走。身被百矢。士多死傷。會日暮。諸軍欲退。上申約束。鳴角集師。復

戰。張志雄。丁普郎。余景。李彬。徐公輔。戰死。至暮  
 西北風起。上命縱火焚其舟數百艘。死者大  
 半。陳友仁。友貴。皆死。斬三千餘級。諒大敗。退保  
 鞋山。二金吾將軍。詣我師降。諒勢益衰。上親  
 督戰。火焚敵舟。諒兵食盡。遣舟五百。掠糧都昌。  
 朱文正遣人焚之。糧絕。勢困。欲奔武昌。為我所  
 遏。乃率樓船百餘出湖口。上率諸將擊之。諒  
 親督戰。啓蓬牕。四顧于興。訝其有異。射之。貫顛  
 及睛而死。定邊垂夜。以小舟載諒屍。及子理。走  
 武昌。復立理為帝。改元德壽。上復率諸將追  
 至武昌。水陸並進。抵城。命遇春等分兵四門立  
 柵圍之。又于江中聯舟為長寨。以絕其出入之  
 路。分兵徇漢陽等處。諸郡皆來降。

命建忠臣祠于康郎山及南昌

按是役也。人戰  
 五晝夜。死事者

共三十六人。韓成。張子明之勛尤烈。  
 上命祀之。康山。南昌。祀葉琛。十四人。

上還建康

上見攻陳理不下。命堅守營柵。因  
 遂還京。閱武。因與花雲等論陣法。盡

田辰

元至正二十四年。未龍鳳十年。  
 夏天統二年。吳二漢德壽一年。

春正月。李善長。徐達等勸進奉

上為吳王。建國

號曰吳

以李善長為右相國。徐達為左相國。

常遇春。命通海為平章政事。汪廣洋為右司郎中。

張梟為右司郎中。

二月。上視師武昌。陳理降。

理銜壁肉袒。率定  
 邊降。上憐之。命

者入其宮。傳命慰諭。友諒父母。凡府庫儲蓄。皆  
 理自取。妻子資裝。皆俾自隨。師圍武昌六月。而  
 降。城中飢困。上命賑之。後上還京。封理歸命侯。  
 諒兄友才亦隨出降。遂置湖廣省。以楊璟為

五月 皇第六子生 設給事中。

五月初置翰林院以陶安為學士。

時方召四方宿儒集闕下

議禮制命安總之。

設起居注。

以宋濂魏觀為之。

七月克廬州

九月 命繪功臣像。

命書省繪于下壺廟序蔣子文廟以時遣官致祭

十一月 皇第七子生。

乙巳

元至正二十五年宋龍鳳十一年夏天統三年吳二年二月日有星一月

春正月定贛州取寶慶南雄悉降

二月 偽吳將李伯昇率眾二十萬寇東新城圍

之。

胡德濟堅守遣使求援于李文忠文忠率兵馳赴援之引數十騎乘高馳下直出陣後衝

其中堅敵列騎迎戰文忠格殺數人所向皆靡

因督眾乘之敵遂大潰德濟亦率城中將士鼓譟而出呼聲震動天地斬首萬級血流膏野溪

水盡赤俘偽同僉韓謙元帥周遇蕭山等六百餘人軍三千馬八百委棄輜重鎧仗不可勝記

五太子僅以自免張士誠自此勢奪氣衰按五太子士誠養子短小精悍能平地躍起文餘見沫化詠

三月起居注宋濂乞歸省

上賜金帛遣之

濂還

金華進表謝復致書世子勸以進修上覽

書喜召世子諭之曰吾自幼極艱難今爾曹冠服華麗飲食甘美安居深宮不思勇于進修是

自棄也宋起居之言有益爾其味之復遣使至

洪武

十七

金華。賜書獎濂。賜以綺帛。仍命世子親致書以報。人皆歎。上待士之誠。

湯和守常州

和守常州。凡十年。防禦周密。與吳良守江陰。取炳文守長興。氣勢聯

絡。屹為東藩保障。

附錄

黃金曰。我聖祖取天下。躡蹠群雄而顛倒之。首偽漢。次偽吳。二國境壤相連。使其謀通結。亦大費征討。聖祖妙識其幾。欲剪漢之羽翼。故遣取炳文守長興。吳良守江陰。以蔽吳。二臣不孤所托。二臣血戰于貔貅萬。顧者數年。使吳人一跡不敢西向。聖祖無東顧之虞。然後得以鑿偽漢而殲之。是蔽吳者所以滅漢也。漢既滅。于焉併力向吳。釜魚籠鳥。何所假息。故亦不旋踵而亡。是滅漢者。又所以滅吳也。說者謂吳不亡于諸將合同之時。而亡于二臣善守之日。亦信然哉。陳建曰。善守蔽吳。取吳二將固矣。然李忠之守嚴州。湯和之守常州。亦

皆十年。其摧鋒却敵。控撫強吳之功。視長興江陰之守。為尤烈。尚論開國之勳。四臣一揆也。

左司員外郎胡深。被友定執。死之。

設太史監。以劉基為太史令。

四月。克淮安。尋克興化。

五月。取安陸。襄陽。

冬。閏十月。取泰州。

丙午。元至正二十六年。是歲宋小明王滅。吳四年。夏。開熙一年。

春。正月。改寧城府為宣州府。淮揚府為揚州府。

置兩淮都轉運鹽使司。

二月克高郵。

四月取安豐諸路及濠泗徐穎諸州。

是月平章韓政克濠

州濠州。帝鄉也。初郭子興趙均用迭據失之。遂為他人所竊。未幾張士誠部將李濟得之。上命李善長以書招濟。不報。因歎曰：濠州吾鄉里。濟為張氏固守。是吾有國而無家可乎。遂遣政及顧時等以兵數萬攻之。濟與光州馬麟出降。捷聞。上甚喜。即幸濠州省墓。遂宴諸父老。

五月命有司博求書籍。

上謂侍臣詹同曰：三皇五帝之書不盡傳

於世。故後世少知其行事。漢武帝購求遺書。而六經始出。于是唐虞三代之制始可得而見。武帝雄才大畧。後世罕及。至于表章六經。開闡聖賢之學。大有功于後世。吾每宮中無事。輒取孔子之言觀之。如節用而愛人。使民以時。真治國之良規。孔子之言。誠萬世之師也。

八月拓建康城。

命劉基卜地於鍾山之陽。延亘

周圍五十餘里。

冬十一月討張士誠。偽吳滅。

上命達與遇春將兵二十萬先破湖

州圍其城。士誠引兵來援。我師破其援兵。潘先紹等又戰于皂林。破之。追舊館寨。得五太子兵六萬人。湖州李伯昇等降。尋進姑蘇城南。鮑魚已擊士誠兵破之。遠圍姑蘇。達軍葑門。遇春軍虎丘。子興軍婁門。華雲龍軍胥門。湯和軍閶門。王弼軍盤門。張溫軍西門。康茂才軍北門。耿炳文軍城東北。仇成軍城西南。何文輝軍城西北。四面築長圍守之。明年正月。松江府嘉定州降。六月。士誠兩出犯。遇春兩敗之。八月。達兵破葑門。遇春亦破閶門。新寨。遂凌城。士誠兵大敗。以降將呂珍等徇于城下。執其偽佐丞張大祺等。及偽參政內使等官。併將士吏外郡流寓之人。

胡亥統宗

卷一 洪武

十一

凡二十餘萬。士誠驅其妻子登齊雲樓。縱火焚之。因自經。遇救不死。九月達等執士誠及官屬將校。檻送建康。士誠俛首瞑目。偃坐不食。上欲全之。士誠自縊死。是時楚國公廖永安。巢縣人。初以舟師降附。為同知樞密院。破士誠兵。深入。被執不屈。詔遙封之。無子弟。永忠代任。又武德衛指揮茅成。定遠人。以圍蘇州中流矢死。追封東海郡公。士誠之敗。其偽司徒李伯昇。倒戈。每以國情輸降。後累遷中書平章政事。洪武中年卒。子為世襲指揮。又以周伯琦在元為行省參政。既放歸田里。久之乃卒。

論曰

我聖祖創業金陵。削平海內。其所震

富莫如士誠。然士誠才畧大非友諒匹也。友諒雖淺躁。常有虎視中原。鯨吞海宇之志。故其用兵。如飄風疾雨。屢敗不懼。士誠真自守虜耳。撫吳會之富饒。跨淮南之雄勁。顧惴惴自保。不能

越江淮尺寸。以窺金陵。此豈有遠圖者哉。觀我聖祖鄱陽一戰。亟遣徐達還建康。及友諒敗亡。又不從眾將之謀。為驅蹙武昌計。而亟班師東下者。蓋拳拳以根本為慮。雖不欲明言其故。而其心未嘗頃刻忘吳寇也。假令士誠與友諒犯龍江之時。如約夾攻。及我聖祖連兵江湖。或傾國入寇。雖吳良湯和輩善于守禦。我聖祖之淵謀雄畧。未遽可乘。然兵家之策。不當如是哉。顧于此時。悠悠宴安。方且與達識帖遜。往復爭求王爵。此孺子之見也。蓋天將啓皇明之祚。肇建一大統之業。故奪奸雄之魄。而拂亂其所為。如此。不然。將有首尾牽制之患。友諒豈易滅哉。友諒不亡。士誠亦未可輕議已。然我聖祖之揣二虜曰。友諒剽而輕。其志驕。士誠狡而懦。其器小。故用兵先後。確有成算。非聖明而能若是乎。雖然。士誠輕財好施。能以孤城久抗。將士無一離叛。其亡也。甘一就執。以死而不受銜。壁輿視之。辱雖不識天命。知順逆。亦豪傑

克湖州杭州嘉興平。

時朱文忠攻杭州華雲龍攻嘉興皆下之。

已未。詔以明年為吳元年。

十二月。命有司立廟社建宮室。

時典營繕者以宮室圖進。

上見有雕琢奇麗者悉去之殿成。上命博士熊鼎顯編古人可為鑒戒者書之殿壁書大學衍義于庶間。

命協律郎冷謙考正宗廟雅樂音律及鍾磬等

器樂舞之制。

丁未。吳元年。

收松江沅州。

詔免太平應天鎮江寧國廣德田租。

上謂中書省臣曰民

困兵革失業者眾太平應天諸郡吾渡江開創供億所苦之民其量免租稅以甦民困復歎曰吾徃在軍中糧乏空腹戰歸得一食雖粗糲其堪。于是免應天等處租一年。又下禁種林令曰予自創業江右十有二年軍國費皆民所出民為科征重困予甚憫焉曩因造酒靡米麥行禁酒之令而米麥稍平頗為有益然不塞其源而遏其流不可得已。今農民今歲毋得種稗凡為此者欲五穀豐登而價平吾民得所殖以養生非有所苦故令。當是時張士誠雖擒南北未而。上念揮戈灑血之地。蠲恤民業勤至如此。詔有司曰。上世帝王創

三月。定文武取士之法。

業用武以安天下守成

用武以威天下而經綸撫治之寄則屬之文武。哉茲設科以廣求天下之賢。應文舉者察言行。

觀德考經術觀業試書算觀能策經史時務觀政應武舉者先試韜畧次騎射俱求實效毋處文有司其勸秀民及勇智之士豫及時勉學以俟舉焉

八月下修省詔

上以雷震所居宮鴟吻雷火燔念天心革命響應之會而自傷嚴切喜怒任情倉卒有寬濫無及也深省海併手勅戒百官等

九月取通州錫州及台温慶元三路

太廟成

四祖各為一廟。德祖居中。懿祖居東第一廟。熙祖居西第一廟。仁祖居東第一廟。

居東第一廟。

冬十月

命信國公徐達為征虜大將軍鄂國公

常遇春為副將軍率兵二十五萬由淮入河北以

定中原馳檄諭齊魯

詔曰自古帝王臨天下

外以奉中華未聞以夷狄治天下也自宋時此移元以北狄入主中國四海內外罔不臣服此豈人力實乃天授然達人志士尚有冠履倒置之嗟自是以後元之臣子不遵典訓廢壞綱常如大德廢長立幼泰定以臣弑君天曆以弟醜兄上下相習恬不為怪其于君臣父子之倫實甚矣夫人君者斯民之宗主朝廷者天下之根本禮義者御世之大防所為如彼豈可為訓于天下後世哉又加以宰臣擅權有司每虐下民于是人心離叛天下兵起使我中國之民死者肝腦塗地生者骨肉不相保雖因人事所致實天厭其德而棄之時也古之胡虜無百年之運驗之今日豈不信然朕意天運循環中原氣盛當必有聖人出電掃胡塵恢復中原立綱陳紀救濟斯民今一紀于茲未有治世安民者徒使汝等戰戰兢兢處于朝秦暮楚之地誠可矜憫



方今河洛關陝雖有數維忘中國祖宗之姓及就胡虜禽獸之名假元號以濟私恃有眾以要君阻兵據險互相吞噬實民生之巨害非華夏之主也朕本淮右布衣因天下亂為眾所推率師渡江居金陵形勝之地今有三年西抵巴蜀東連滄海南控閩廣胡襄漢沔皆入版圖奄及南方盡為我有民稍安兵稍精食稍足注視此中原久無所主深用疚心朕躬承天命罔敢自安方欲遣兵北逐拯生民于塗炭復漢官之威儀慮人民未知反為戎讎孳家北走陷溺海甚故先諭告爾等兵至所在人民勿避朕號令嚴肅無秋毫之犯歸我者永安于中華背我者自寬于塞漠蓋我中國之民天必命中國之人以安之夷狄可得而治哉爾民其體之如蒙古色目雖非華夷族類然同生天地之間有能知禮義願為臣民者與中國之人撫養無異

**論曰** 嗚呼我聖祖論中原一檄詞嚴而義正理直而氣昌雖大誥牧誓無加焉漢

高三章之約豈足為弘而縞素發喪之命又矯情飾詐未可同日語也況不殺之訓所以戒飾諸將者勤拳懇切悉出由衷雖湯武訓詞未見有此謂之順天應人之舉吊民伐罪之師何愧哉故諸將北伐勢如破竹仁者無敵斯足徵矣况汴京一幸足以繫中原之心而命馬勝駐汴梁留鄧禹駐襄陽分布遙制皆有微權其所以控制形勝駕馭英雄之畧非淺識之士所能窺也故能收韓彭之功而終身無雲夢之憂雖一時賢將莫非純臣亦將將之能迥出千古也吁此其所以為獨稟全智而克創大業也哉

遣起居注吳琳等以幣帛求遺書於四方

命百官禮儀俱尚左

命胡定瑞率吉安寧國等軍南取八閩航海以趨

廣東楊璟率荆湘之眾以取廣西

遣世子次子往臨濠謁陵墓

上諭之曰汝諸子生于富貴未涉艱

難人情習于晏安必生驕惰况爾他日皆有國  
有家不可不戒今使爾等于旁近郡縣遊覽山  
河經歷田野因道途之險易以知鞍馬之勤勞  
觀小民之生業以知衣食之艱難察民情之好  
惡以知風俗之美惡即祖宗陵墓之所訪求父  
老問吾起兵渡江時事識之于心以知吾創業  
之不易也于是命  
中書擇官輔導以行

命李善長楊憲傅瓛劉基陶安等詳定律令

十一月北取沂州嶧州益都等處

上郊天沐浴畢出觀園丘

上謂起居注能鼎等曰此與古制合否對

曰小異也上曰古人于郊掃地而祭器用陶  
陶以示儉朴周有明堂其禮始備今予創立斯  
壇雖不必盡合古制然一念事天之誠不敢  
刻怠矣鼎曰主上創業之初首嚴郊丘之祭  
既斟酌時宜以立一代之制又始終盡其誠敬  
此誠前代之所未及上曰郊祀之禮非尚虛  
文正為天下生靈祈福予安敢不盡其誠哉

命頒太史院劉基所定戊申曆於天下

上謂劉基曰古

者以季冬頒來歲之曆似為太遲今于冬  
至亦為未宜明年以後皆以十月朔進

十二月北取般陽濟寧萊州濟南東平南入杉關

取邵武建寧延平

以先聖孔子五十六世孫希學襲封衍聖公

希學

聞大軍至率曲阜尹希舉鄒縣簿孟思諒等迎見汪興祖于軍門于是兗州以東州縣皆下

**方國珍降**

初國珍既獻台温處三郡不奉正朔上遣夏煜等往諭之答曰初獻三郡

時常請天朝發軍馬來守交還城池不至若奉正朔恐士誠友諒來攻我緩不及則危矣始以

至正為名則無名罪我上知其心恃兩端既克蘇州乃命湯和廖永忠會討國珍遣子明完

奉表乞降其弟國珉親率所部調和于軍門和送珍等于建康時山東諸郡悉奉圖籍來降是

時有海寧衛指揮同知嚴德采石人破國瑛兵陣亡洪武二年贈將軍大都督副使封天水欄

**論曰**按陳友定方國珍雖托名元臣其實元賊蓋不能自舉義聲討故假元名號權

力以糾眾耳非所謂豪傑之士也要之二人亦相埒故能竊據數郡殊無遠圖我聖祖克漢吳此輩皆癩疥疾耳故命將北伐而以師定之雖然使非聖神布昭諸將宣力以

討不庭則其狡譎慆悍雖不能縱橫中原豈難于為尉佗哉漢高滅秦蹙項平定中原而尉佗桀驁南荒漢兵曾不能踰嶺海以發一矢至文帝遣使始獲稱臣武臣用兵方令納土其視我聖祖之南征北伐並奏膚功炎海水天同歸版籍者豈不大相遠哉嗚呼此我聖祖之所以功高于千古也

**上諭起居注詹同等國史直書善惡**

上曰昔唐太宗觀史

雖失大體然命直書建成之事是欲以公天下也予平日言行可紀之事是非善惡爾等皆當明白直書勿宜隱諱使後世觀之不失其實也

**是月癸丑李善長率群臣勸進**

上曰吾始即王位不能拒勉從

衆言今卿等復勸即帝位恐德薄不足以當尊善長等頓首復請曰天生聖哲本以為民

殿下之即王位。天命已有歸矣。今又一四年若  
 不正。大位何以慰天下臣民之望。上固欲  
 之。明日善長寺復請曰。殿下謙讓之德著于  
 四方。感于神明。願為生民計。早徇群臣之請。  
 上曰。中原未平。軍旅未息。吾意天下大定。然後  
 議此。而卿寺屢請不已。此大事。當斟酌禮儀而  
 行。不可草草。越數日。善長率禮  
 官。以即位禮儀進。上允之。

